



Þingskjal nr. 5

Flytjandi stjórn LH

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að eftirfarandi reglur falli bott eða taki breytingum vegna nýrrar uppsetningar á lögum og reglum LH.

a. Mgr. í gr. 2.8.1 fellur brott

2.8.1 Auglýsingar móta

Úrtökur fyrir Landsmót skal auglýsa með minnst 7 daga fyrirvara.

Greinargerð: Lagt er til að málsgreinin falli brott. Ákvæðið stangast á við gr. 6.5 Val hrossa og keppenda á Landsmót þar sem segir „úrtökur skulu auglýstar með minnst tveggja vikna fyrirvara“.

b. Mgr. í gr. 2.8.4 fellur brott:

2.8.4 Skipun dómara á mót

Mótshaldarar verða að sækja um gæðinga- og íþróttadómara til stjórna dómarafélaga LH til að mótin séu lögleg og fái skráningu í Sportfeng. Sækja skal um dómara 7 dögum fyrir upphaf móts. Bera dómaranefnd og dómarafélögin ábyrgð á að manna öll lögleg mót sem haldin eru. Dómaranefnd og félögunum ber að vera í sambandi við mótshaldara og ber dómurum að tilkynna forföll til dómarafélaganna.

Greinargerð: Ákvæði um dómara er nú í nýrri reglugerð um dómara sem er hluti af nýrri reglugerð um mótahald á Íslandi.

c. Mgr. í grein 2.8.6. fellur brott:

2.8.6 Keppnisröð

Strax að lokinni skráningu keppenda skal keppnisröð þeirra ákveðin með útdrætti. Keppendum eða fulltrúum þeirra er heimilt að vera viðstaddir útdráttinn.

Greinargerð: Lagt er til að greinin falli brott. Fjallað er um rásröð í grein er 1.3.



d. Mgr. í gr. 2.8.8 fellur brott:

2.8.8 Skyldur keppenda, 4. mgr.

Yfirdómnefnd móts ber að skera úr um hvort fjarvistir keppenda séu fullgildar.

Greinargerð: Lagt er til að mgr. falli brott. Engin sambærileg málsgrein er í reglum FEIF.

e. Tillaga um breytingu á grein 2.8.8:

[var 2.8.8 skyldur keppenda, verður 1.1.5 í reglum um mótahald á Íslandi]

Keppendum er óheimilt að vera undir áhrifum áfengis **og/eða vímuefna**. Leiki grunur á að svo sé (~~áberandi vínlykt~~), þó ekki séu tók á að færa fullar sannanir fram að lögum fyrir ölvun, skal yfirdómnefnd koma saman og ákvarða hvort og hvernig refsingu skuli háttáð:

Reynist yfirdómnefnd sammála um að kvörtun eigi ekki við rök að styðjast, fellur málið niður.

Reynist einn yfirdómnefndarmaður álíta að um brot sé að ræða, skal áminna keppanda án spjalds.

Reynist tveir yfirdómnefndarmenn álíta að um brot sé að ræða, skal áminna keppanda og sýna honum gult spjald.

Reynist allir yfirdómnefndarmenn álíta að um brot sé að ræða, skal sýna keppanda rautt spjald, honum umsvifalaust vikið úr keppni og árangur hans felldur niður.

Rétt til að bera fram kæru til yfirdómnefndar hafa keppendur og starfsmenn móta. Starfsmönnum ber að koma kærnum sínum umsvifalaust til yfirdómnefndar.

Greinargerð: Lagt er til að óheimilt sé að vera undir áhrifum áfengis- og vímuefna. Lagt er til að greiningin „áberandi vínlykt“ falli brott.

f. Mgr. fellur brott:

Gr. 2.8.10

Dómstólar ÍSÍ skulu beita hlutaðeigandi einstakling refsingum verði hann uppvís að:

- Bera yfirvald, einstaklinga eða félög innan LH röngum sökum, á opinberum vettvangi, eða kæra þau að ástæðulausu.
- Blekkja eða reyna að blekkja yfirvald innan LH með röngum skýrslum eða villandi upplýsingum.
- Koma ósæmilega fram við, ögra, eða hafa í hótunum við yfirvald innan LH, vegna atvika sem standa í sambandi við trúnaðarstörf yfirvalds fyrir LH.

Rétt til að bera fram kæru vegna brots á ofangreindum liðum, hafa aðeins þau yfirvöld eða einstaklingar sem misgert er við, auk LH.



Greinargerð: Fjallað er um dómstóla í nýrri reglugerð um Úrskurðar- og aganefndir sem er hluti af nýrri reglugerð um mótahald á Íslandi.

f. gr. 6.6 og 6.7 falla brott:

6.6 Ráðstöfun hugsanlegs hagnaðar Landsmóts

Ef hagnaður verður af rekstri Landsmóta skal greiða 5% hagnaðar í áningahólfasjóð LH. Úthlutun úr sjóðnum skal fara fram eftir reglum sem stjórn LH setur.

6.7 Flutningsstyrkir

Flutningsstyrkir sýningar- og keppnishrossa ef greiddir verða skulu ákveðnir af rekstraraðila í samráði við LH.

Greinargerð: Lagt er til að greinar um ráðstöfun hagnaðar af landsmóti og um flytningsstyrki verði felldar brott, enda er mótshaldi landsmóts framvísað til annarra aðila samkvæmt samningi þar um.

g. mgr. fellur brott:

7.4.1 Dómarar og dómnefnd

Dómarar við gæðingakeppni skulu hafa lokið dómaraprófi og hlotið viðurkenningu stjórnar LH sem gæðingadómarar.

Gæðinga- og unglingadómarar LH skiptast í tvo flokka: a) Félagsdómara b) Landsdómara

Félagsdómarar hafa rétt til að dæma í innanfélagskeppni. Landsdómarar hafa rétt til að dæma á öllum mótum sem haldin eru af LH eða aðildarfélögum þess. Landsdómarar hafa einnig réttindi til að stjórna gæðingakeppni.

Dómarar á lands- og fjórðungsmótum eru skipaðir af dómaranefnd LH.

Á innanfélagsmótum og minni mótum er heimilt að einungis þrjú dómarar dæmi.

Kynnir og stjórnandi þarf ekki að vera dómari, en hann kynnir og stjórnar í samráði við og á ábyrgð dómara. Stjórnir hestamannafélaga sæki um dómara á þessi mót til LH í síðasta lagi fjórum vikum fyrir mót.

7.4.2 Dómarar og dómstörf



Dómari má ekki eiga hest í keppni á lands- eða fjórðungsmóti, í þeim flokki sem hann dæmir. Eigi hann hest í keppni á innanfélagsmóti, vikur hann sæti í dómnefnd á meðan hestur hans er dæmdur. Að öðru leyti vísast í kafla 8.3.3. um dómara.

Greinargerð: Lagt er til að greinar sem fjalla um dómara í reglugerð um gæðingakeppni falli brott. Í stað þeirra er ný reglugerð um dómara í hestaíþróttum í reglugerð um mótahald á Íslandi.

h. Tillaga um að færa málsgrein úr reglum um íþróttakeppni yfir í reglur um gæðingakeppni.

Var gr. 8.2.3 Útbúnaður knapa

Í gæðingakeppni er þískur einungis leyfður í barna- og unglingsflokki.

Verður: GK1.3.2 Sýnandi, búnaður hests og knapa

Þegar gæðingur kemur fyrir dómnefnd, skal eigandi sjálfur, eða sá er hann kveður til, sitja hestinn í dómi. Í gæðingakeppni vísast til **reglugerðar um almennar reglur um keppni kafla 8 í lögum um íþróttakeppni (FIPO)** um allan útbúnað knapa og hests.

Í gæðingakeppni er þískur einungis leyfður í barna- og unglingsflokki og C-flokki gæðinga.

Greinargerð: Gerð er tillaga um að færa reglu sem á við um búnað í gæðingakeppni yfir í reglugerð um gæðingakeppni. Einnig er skerpt á orðalagi um að þískur sé heimill í barna- og unglingsflokki og C-flokki gæðinga í fullorðinsflokki.

i. Tillaga um breyting á reglu:

[var gr. 8.4.9, verður gr. 1.5]

1.5 Samanlagðar greinar

Við útreikning á samanlögum stigum skal miða við einkunnir í forkeppni.

1.5.1 Fjórtingur

Samanlagður fjórtingssigurvegari er parið sem fær hæsta samanlagða einkunn úr tveimur keppnisgreinum. Einungis ein grein telur úr hvorum flokki.

Flokkur I: Tölt T1 eða
 Tölt T2

Flokkur II: Fjórtingur V1/

[Íslensk sérregla] eða:

Flokkur I: Tölt T3 eða
 Tölt T4



Flokkur II: Fjórgangur V2

Í1.5.2 Fimmgangur

Samanlagður fimmgangssigurvegari er parið sem fær hæsta samanlagða einkunn úr þremur keppnisgreinum. Einungis ein grein telur úr hverjum flokki.

Flokkur I: Tölt T1 eða
Tölt T2

Flokkur II: Fimmgangur F1

Flokkur III: 250 m skeið P1 eða
Gæðingaskeið PP1 eða
Flugskeið P2

Fari 150 m skeið (P3) fram og sé það löglega auglýst má nota það í stað P1.

[Íslensk sérregla] eða:

Flokkur I: Tölt T3 eða
Tölt T4

Flokkur II: Fimmgangur F2

Flokkur III: 250 m skeið P1 eða
Gæðingaskeið PP1 eða
Flugskeið P2

Fari 150 m skeið (P3) fram og sé það löglega auglýst má nota það í stað P1.

Í1.5.3 Hestar jafnir að stigum

Ef fleiri en einn hestur eru jafnir að stigum í fyrsta sæti, skal beita eftirfarandi ráðstöfunum þar til sigurvegari er fundinn:

- Nr. 1 Skoða skal næsta aukastaf
- Nr. 2 Athuga hvor hefur hærra einkunn í V1/V2 eða F1/F2 (eftir því sem við á um viðkomandi þar hverju sinni)
- Nr. 3 Endurreikna stigin í V1/V2 og F1/F2 með því að nota meðaltal einkunna allra 5 dómara (þannig að hæsta og lægsta einkunn reiknist með til stiga) og leggja þann útreikning til grundvallar þegar sigurvegari er fundinn.
- Nr. 4 Ef framangreint sker ekki úr um sigurvegara, skal sigurvegari fundinn með því að varpa hlutkesti

Ef hestar eru með sömu einkunn í önnur sæti en fyrsta sæti, skulu þeir deila sæti.



Séríslensk regla: Greinar þar sem einn knapi er inn á í einu hafa meira vægi en greinar þar sem 2 eða fleiri eru inn á í einu.

Séríslensk regla: Í 1.5.4 Samanlagðar greinar í yngri flokkum:

Í barnaflokki skulu reiknuð til samanlagðra stiga eftirtaldar greinar: tölt T3, fjórgangur V2 og gæðingafimi **fimikeppni-A**. Knapi þarf ekki að vera á sama hesti í öllum greinum.

Í unglingsflokki skulu reiknuð til samanlagðra stiga eftirtaldar greinar: T1/T3, T2/T4, V1/V2, F1/F2, gæðingaskeið PP1, 100 m skeið P2 og **fimikeppni-A gæðingafimi**. Knapi þarf ekki að vera á sama hesti í öllum greinum. Einungis fjórar bestu greinar keppanda telja til samanlagðra stiga.

Í ungmennaflokki eru notaðar sömu reglur og í fullorðinsflokki með þeirri undantekningu að kappreiðaskeið telur ekki til stigasöfnunar.

Ef knapar eru jafnir að stigum skal beita sömu reglu og fram kemur í 1.5.3.

Greinargerð: Verið er að skerpa á muni á séríslenskum reglum og reglum FEIF um samanlagða sigurvegara. Séríslenska reglan gengur út frá að árangur úr greinum þar sem fleiri en einn knapi er inn á vellinum gildi til samanlagðs árangurs. Árangur skal þó aðeins reiknaður út frá greinum þar sem annars vegar er einn knapi inn á vellinum og hafa þær greinar meira vægi og hins vegar greinum þar sem tveir eða fleiri eru inn á vellinum. Engar reglur eru hjá FEIF um samanlagðan árangur kanpa í yngri flokkum. Einnig er lagt til að greininni fimikeppni A í yngri flokkum verði skipt út fyrir greinina gæðingafimi.

j. Tillaga um breyting á reglu

[Var 8.5.1 Hringvöllur, verður: A9.2. Vellir fyrir íþróttkeppnisgreinar]

3. Mgr. var:

Allir viðurkenndir vellir á Íslandi eru löglegir.

3. mgr verður A9.2.1:

Íslensk sérregla: Allir vellir sem hafa verið notaðir fyrir íslenskt mótaöld til ársins 2022 teljast löglegir.

Greinargerð: Vellir sem gerðir eru eftir árið 2022 verða að vera uppbyggðir skv. teikningum FEIF til að teljast löglegir keppnisvellir.

k. Tillaga um að færa málsgrein úr reglum um íþróttkeppni yfir í reglur um Landsmót.

[Var 8.8.1.1 Leyfilegir hestar, verður í reglugerð um landsmót gr. 1.4 Keppnisgreinar Landsmóts]



Á Landsmótum skal m.a. fara fram keppni úrvals gæðinga í öllum flokkum svo og keppni úrvalstöltara. Þá skal fara fram sýning úrvals kynbótahrossa og kappreiðar. Í keppni og sýningum skal farið eftir reglum sem í gildi eru á hverjum tíma.

Keppnisréttur í tölti á Lands- og fjórðungsmótum vinnst eingöngu í keppni í T1.

Greinargerð: Greinin skýrir sig sjálf.

I. Tillaga um að færa málsgrein úr reglum um íþróttakeppni yfir í reglur um Landsmót.

[Var 8.8.17 P1 – Skeiðkappreiðar 250m, verður í reglugerð um landsmót gr. 1.4 Keppnisgreinar Landsmóts]

Á Landsmótum skal m.a. fara fram keppni úrvals gæðinga í öllum flokkum svo og keppni úrvalstöltara. Þá skal fara fram sýning úrvals kynbótahrossa og kappreiðar. Í keppni og sýningum skal farið eftir reglum sem í gildi eru á hverjum tíma.

Keppnisréttur í tölti á Lands- og fjórðungsmótum vinnst eingöngu í keppni í T1.

Á Lands- og fjórðungsmótum er það hesturinn sem vinnur sér þátttökurétt í skeiðkappreiðum en ekki parið.

Greinargerð: Greinin skýrir sig sjálf.

m. Breytingartillaga, Var viðauki 10, verður A1.6

Brottvikning fulltrúa

Sérhver aðili sem kemur fram sem fulltrúi FEIF á opinberum vettvangi, þ.m.t. stjórnarmenn, nefndarmenn, aðilar kjörnir af fulltrúaráði, aðilar tilnefndir af stjórn FEIF og dómara með dómara réttindi frá FEIF og LH, skulu sæta tímabundinni brottvikningu meðan þeir sæta ákæru vegna ofbeldis- eða kynferðisbrots. Brottvikning skal vera varanleg hljóti aðili dóm fyrir slíkt brot. Allir fulltrúar eru skuldbundnir til að tilkynna sjálfir um sérhverja ákæru eða dóm. Vanræki aðili slíkt skal það varða fyrirvaralausri og varanlegri brottvikningu.

Greinargerð: Lagt er til að orðunum „og LH“ verði bætt við málsgreinina til að taka af allan vafa um að dómara LH falli undir ákvæði greinarinnar.

Allsherjarnefnd vísar þingskjali 5 óbreyttu til þingsins. –

LANDSSAMBAND HESTAMANNAFÉLAGA
STOFNAÐ 1949

